

O soo o Keriso sa faatalitali e latalata ane ma e lei umi ae momoe a o alu atu Iesu i Ketesemane na o ia. “Ua toe foi atu [Iesu] ia te i latou, o le atu tolu lea, ua faapea atu foi o ia ia te i latou, Ina momoe pea ia, ma malolo; soia; ua oo mai le itu po; faauta, ua tuuina atu le Atalii o le Tagata i lima o tagata agasala” (Mareko 14:41).



I Ketesemane (luga) ma i Kolokota (lalo), o Iesu Keriso sa maligi Lona toto ma maliu i luga o le satauro. Sa ia togiola mo agasala a le lalolagi, ma laveaiina ai i tatou mai le Pai.



TAUAGAVALE MAMAO: FAI SAU MALOLOA, SAUNIA E WALTER RANE; PITO I LUGA: O LOU TAVA, SAUNIA E SIMON DEVEY; TAUAGAVALE: FAASATAUROGA © BALAGE BALOGH/ART RESOURCE, NY; TALIMATAU: PIETA, SAUNIA E ANSELM FREDRICH FEUERBACH © SUPERSTOCK

Sa teuina le tino o Iesu Keriso i se tuugamau i se faatoaga.



E tatau ona tatou lafoai i filosofia o tagata ma le poto o e popoto, ae faalogo atu i lena Agaga lea ua tuuina mai ia i tatou e taiala i tatou i upu moni uma.

E tatau ona tatou suesue i tusitusiga paia, ma ia talia le mafaufau ma le finagalo ma le siufofoga o le Alii ma o le mana lava lea o le Atua i le faaolataga.

A o tatou faitau, mafaufau loloto, ma tatalo, o le a oo mai i o tatou mafaufau se vaaiga o faatoaga e tolu a le Atua—o le Faatoaga o Etena, o le Faatoaga o Ketesemane, ma le Faatoaga o le Tuugamau Avanoa, lea sa faaali mai ai Iesu ia Maria le Makatala.

I Etena, o le a tatou vaai ai i mea uma na foafoaina i se tulaga faaparataiso—e leai se oti, e leai se mana o le foafoaga, e leai ni aafiaga faataitai.

O le a tatou iloa o lena ituaiga o foafoaga, lea ua le iloa nei e tagata, sa na o le pau lea o le ala e aumai ai le Pau.

O le a tatou vaai ai ia Atamu ma Eva, o le uluai tane ma le uluai fafine, na o ifo mai lo laua tulaga e le oti ma le mamalu faaparataiso e avea ma uluai tagata faitino i luga o le fogaeleele.

O le olaga nei, e aofia ai le mana foafoa ma le oti, o le a oo mai i le lalolagi. Ma ona o le solitulafono, o le a amataina ai se olaga faataitai o le faaososooina ma le tofotofoina.

O Ketesemane o le a tatou vaai ai i le Alo o le Atua o faasaoina le tagata mai le oti faaletino ma le oti faaleagaga lea na oo mai ia i tatou ona o le Pau.